


## Česćeni wopytowarjo!

Postrowimy Was tu w našej Pětrskej cyrkwi, domiznje ew.-luth. wosady Pětra a Mikławša w Freibergu.

Naša wosada wuznamuje so přez intensiwné džěćace a młodžinske džěło, přez sobudžělo mnohich sobustawow w chorje, domjacych kruhach a w druhich skupinach kaž w kurendže, młodej wosadže, w džěle ze starymi a přez wšelake hudźbne kružki a zarjadowanja.



**N**utřkowny rum: Zawěscie je Wam nadpadnyło moderne nutřkowne wuhotowanje našeje cyrkwe. Srjedźny, hłowny džél cyrkwe je zdobom kemšacy rum, swjedženska hala a wulka wosadna žurla. Pod łubjemi je zaměstnena stwa za podawanie nabožiny kaž tež za młodžinske a hudźbne džěło. Z tym so zwurazni wobraz „cyrkej w cyrkwi“. Kuchina a dalše skupinske rumy jón wudospołnja.

Wažne džěle nutřkowneho ruma, kaž byglowy prospekt a klětku, tworješe Johann Christian Feige st. po wulkim měščanskim wohenu w lěće 1728. Wot njego bě tež rězbarske wuhotowanje něhdyšeje cyrkwe Našeje knjenje w Drježdananach. Theodor Quentin přeměni 1896 wo tójsto nutřkowne wuhotowanje našeje cyrkwe. 1974 do 1986 sta so w zwisku ze zjednočenjom Pětrskeje a Miklašskeje wosady přetwar, kaž jón džensa widźimy.

**F**riedrich Press: Wón je znaty wumělc, kiž wuhotowaše wjele sakralnych twarjenjow, w lětach 1974–1986 tež našu cyrkej. Z kóždeje strony hlada šěć skulpturow – předstajejo čakacu wosadu – na wołtar a na wulku postawu na škleńcanej scěni: „Chrystus, knjez swěta“ (Zjew. 20). Wumělc sam pomjenowa dalšu postawu, kotař Chrystusa jako čerpjaceho Božeho wotročka předstaji, jako „posledni křik“ (Jez. 52, 13–).



**B**yrgle wot Gottfrieda Silbermanna: Dalšu wosebitośc wuhladače na zapadnej łubi. Byrgle našeje Pětrskeje cyrkwe so w lěće 1735 wot Silbermanna zdokonjachu. Při tutym instrumenće zwoprawdzi wón prěni króć koncept swojeje pozdžišeje tworjaceje fazy, kiž zwurazni so we wuběrnym zynku pódneho baroka.



Z 32 klinčacymi registrami su byrgle najwjetše dwumanualne byrgle wot Silbermanna. Po změnach w 19. a 20. lětstotku buchu wone w lětomaj 1993/94 zdžela zaso originalnemu stawej přibližene. Wulke doskónčne wobnowjenje so w pražniku 2007 doskónči a dopomoha byglam k starej hudźbnej wuběrnosti. Tute byrgle su idealny, narodny a mjezynarodne prašany instrument za přednjesenje kompozicijow z barokoweho časa hač k dobje Felixa Mendelsohn-Bartholdy.

Byrgle zaklinča wot róžownika hač do winowca kóždu srjedu připołdnju. K wšelakim skladnosćam móža so wjedženja a mały koncerty skazać.

**T**warzjenje a **Z**wony: Farska Pěrska cyrkej natwari so na najwyšim dypku nutřkowneho města do lěta 1190 jako romaniska bazilika. Zbytki namakaja so hišće w cyrkwi. Cyrkej postaji na wysokim městnje z markantnej borokowej wěžu siluetu města. Wulki zwón bě Oswald Hilliger w lěće 1487 lał, a tutón waži 3850 kilogramow. Mały zwón (1940 kg) je wot swojeho wnučka Wolf Hilliger z lěta 1570. Wobaj wołataj z lěta 2005 z wobnowjeneje wěže k Bożej służbie. Mały hodžinski a hórnikowy zwón stej wšednje wjac króć z Pětrskeje wěže slyšeć.

**W**ězy: W postajenych časach a z dorěčenjom su wjedženja na 72 metrow wysoku Pěrsku wěžu – najwyšu stareho města Freiberga – móžne.

Za dalše prašenja stejmy Wam rady k dispoziciji. Farar je k docpěću pod pfarrer@petri-nikolai-freiberg.de abo tel. +49 3731/247859, sobudžělačerjo Pětrskeje cyrkwe pod tel. +49 3731/31188. Nadrobne předstajenje našeje wosady, informacie k twarjenjam, byglam atd. kaž tež aktualny plan kemšow a zarjadowanjow namakaće pod [www.petri-nikolai-freiberg.de](http://www.petri-nikolai-freiberg.de)!

